

MGA
REBOLUSYONARYONG
PAHAYAG
SA ISLA
SANG NEGROS
(DISYEMBRE 2024)

KAUNDAN

Nagapadayong militarisasyon sa Negros Oriental, dakong pagdislokar sa katawhang kabus	5
Mobarug alang sa tawhanong katungod; patubagon ang mga pasista nga si Duterte ug Marcos Jr sa ilang mga krimen	8
Naga-anaw nga dugo sa isla sa pagkomemorar sang Adlaw sang Tawhanon nga Kinamatarung	11
Pangmalawigon nga solusyon ang nagakaigo nga sabat para sa mga apektado sa paglupok sang Bulkan Kanlaon	14
Drama sa Toboso: Pekeng engkwentro ug pagdakop sa sibilyan, gikondenar	17

Sabat sang LPC-NPA angot sa pagpamahug kag pagpangilkil sang AFP sa mga katapo sang media kag barangay officials sa Bacolod City	19
The truth behind "Ka Pinky"	21
Lubos nga pagtugyan sang pungsodnon nga patrimonya sa mga dumuluong	23
Manipulasyon sa presyo sang kalamay, padihot sang mga traders	26

Nagapadayong militarisasyon sa Negros Oriental, dakong pagdislokar sa katawhang kabus

***Estrella Banagbanag, Tigpamaba sa RMPC-NPA
Disyembre 1, 2024***

Sukad pa niadtong Oktubre 12, wala nay undang ang pagpanghasi sa kumbinadong tropa sa 11th IB, CAGU, ug Philippine National Police sa habagtnan nga bahin sa Negros Oriental. Niining ulahing semana sa Nobyembre, gipasamotan pa sa mga pasistang kriminal ang ilahang pag-atake sa mga mag-uuma, lumad, mamumuo sa uma, ug uban pang kabus nga katawhan sa lugar.

Sa Bayawan City, Negros Oriental, unom ka barangay ang gisakop sa ilahang operasyon militar. Niadtong Nobyembre 26 hasta 28, masobra 60 ka tropa ang nakita gikan sa gym sa proper Barangay Tayawan ug dayon nilakat pa padulong sa Sitio Dita; sa petsa 26 pud nisulod ang upat ka military truck sa Pamari, boundary sa Negros Oriental ug Occidental. Pagka Nobyembre 27, may tulo ka kolum nga nasayran sa Sitio Kanggabi, Mansidlot, Tigbao, ug Tigso nga sakop sa Barangay Narra; sa Sityo Manlubid ug sa mga kasikbit nga sityo sulod sa Barangay Ali-is, nag-operasyon pud ang militar kuyog ang mga traydor sa rebolusyon nga surrenderees; sa petsa 29 sa Barangay Tayawan; ug anaa usab mga tropa militar sa Barangay Villasol, Dawis ug Kalumboyan ani nga mga adlaw.

Kadungan ani, ang presensya sa militar sa Barangay Sto. Niño, Tanjay City, ilabi na sa proper ug sa Sityo Kayawkaw. Ang mga reaksyunaryong tropa nagpakanaog og curfew gikan sa alas 8:00 sa gabii hangtod alas 4:00 sa buntag, samtang gipugos ang mga tawo nga

mo-report sa ila kung adunay mga dili mailhan nga tawo sa ilahang mga lugar.

Dugang ani, namatngonan sa mga residente nga naay artillery (kagamitan pangbomba) sa detatsment sa Barangay Calicanan, Pamplona, Negros Oriental.

Kung sumahon, susama ra sa irong buang ang mga pulis ug militar sa ilahang pagpanghasi sa mga komunidad ug kinaiyahan. Bisan nagpalanog na sa ilahang hinambog nga 'dismantled' na ang larangan sa Southeast Negros, ang kini nga sustenidong operasyon nagpamatuod lang sa ilahang bakak ug kapakyasan nga pildihon ang rebolusyonaryong kalihukan nga nakaugat sa masa.

Tungod suluguon sa mga dalagkong agalong yutaan ug komprador burgesya, naga-operasyon ang mga mersenaryong AFP ug PNP para depensahan ang interes sa ilahang mga adunahang amo ug komander. Atong mahinumduman nga ang Bayawan City nalangkob sa sunod nga phase sa Tamlang Valley Zone of Peace, ang neoliberal nga proyekto sa probinsya para sistematiko nga mailog ang yuta sa mga mag-uuma.

Gawas ani, target pud sa magun-ubong mina ang Bao-bao Peak sa Barangay Tayawan, Bayawan City, samtang ang lasang sa Pamari nga anaa sa maong barangay target pud sa pagpatanom sa pang-export nga oil palm ug rubber tree.

Taliwala niini, magpabiling determinado ang Rachelle Mae Palang Command-New People's Army (RMPC-NPA) isip sundalo sa kabus. Kadungan sa pagkundena sa panghasi, pasismo, ug terorismo sa estado, anaa nagpabilin ang kalayo sa rebolusyon nga siguradong mukuyanap pa sa tibuok habagtnang Negros Oriental, tungod mismo sa gipanghimo sa reaksyunaryong gobyerno ug sa mga irong buang niya nga mga tropa.

Andam nga muatubang ang mga pwersa sa larangan sa tanang hagit ug sakripisyo para sa pagduso sa dugay nang handom sa katawhan nga tinuod nga kagawasan ug demokrasya. #

Mobarug alang sa tawhanong katungod; patubagon ang mga pasista nga si Duterte ug Marcos Jr sa ilang mga krimen

*Ka JB Regalado, Tigpamaba sa LPC-NPA
Disyembre 10, 2024*

Karong ika-76 nga anibersaryo sa Internasyunal nga Adlaw sa Tawhanong Katungod, dili kini adlaw sa selebrasyon kundili adlaw sa pagpahinumdom sa tibuok katawhang Pilipino nga kinahanglang manlimbasog nga makab-ot ang hustisya nga dugay nang gihikaw sa masang hinimuslan ug linupigan. Labaw pa nga palig-unon ang determinasyon nga manindugan ang katawhan sa ilang mga tawhanong katungod.

Kung tun-an og balik ang kasaysayan sa atong nasud, gipakita niini nga gikan pa man sa nahimong kolonya ang Pilipinas sa Espanya, kuyanap na ang nagkalain-laing porma sa pagpanghimulos ug pagpamig-ot sa masang Pilipino. Wala kini nawala ug gani mas nigrabe pa niadtong pag-abot sa mga Amerikano ug Hapones.

Miresulta kini sa pagkatataw sa tulo ka ugat hinungdan sa kalisdanan nga nasinati sa mga bata kang sektor sa katilingban nga mao ang pyudalismo, burukrata kapitalismo ug imperyalismo. Gipalig-on niini ang alang-alang-pyudal ug alang-alang-kolonyal nga sistema sa nasud nga wala naghatag og bili sa interes ug kinabuhi sa mga yanong lumulupyo niini.

Isip papet nga rehimen sa imperyalistang US, ang reaksyonaryong gobyerno nagpatuman og mga balaod ug palisiya nga maki-langyaw ug

elitista nga naghikaw sa katawhan nga makatagamtam sa ilang tawhanong katungod nga nakasulat man unta kini sa konstitusyon.

Partikular sa Negros nga nahigot sa monocrop nga industriya, daghang mamumuo sa kampo ang nag-antos sa tuman ka mubo nga sweldo. Ang lapad nga kabukiran sa isla wala natikad sa mga mag-uuma tungod sa mga pagpangamkam og yuta sa mga agalong yutaan ug dagkung komprador burgesya. Sa laktod nga pagkaistorya, ang desenteng panginabuhi wala nasinati sa mga Negrosanon.

Busa, nagdilaab ang kaisog sa mga Negrosanon nga nagpabuto og dagkung mobilisasyon batok sa kontra-katawhang mga balaod ug palisiya. Apan imbes nga dunggon ang demanda sa mga Negrosanon, pasismo ang tubag sa reaksyonaryong gobyerno pinaagi sa militarisasyon sa kabukiran ug kasyudaran. Nangunang kriminal ang mga kasundaluhan, kapulisan, ug mga paramilitar nga mao ang direktang naghadlok, nag-interogar ug nag-aresto nga wala nag-agi sa saktong proseso, nagpasaka og kaso nga walay basehanan, nag-abdak, ug nagpatay sa mga Negrosanon nga nakigbisog, nagpangransak ug pangbomba sa mga komunidad, sa tumong nga pahilumon ang katawhan ug gub-on ang rebolusyonaryong kalihukan.

Mao nga angayan lang nga karong Internasyunal nga Adlaw sa Tawhanong Katungod, ipalanog sa katawhan ang kusganong pagkundera sa mga paglapas sa tawhanong katungod nga gibuhat sa nagkalain-laing administrasyon sa reaksyonaryong gobyerno, lakip na ang masaker sa mga mag-uuma sa panahon sa Oplan Sauron 1 ug 2 ubos sa pasistang rehimeng Duterte ug masaker sa pamilyang Jacolbe sa Central Negros ubos sa pagpungko ni Marcos Jr ug ang sunod-sunod nga pagransak sa kabalayan, pagpanghulga ug pagpangulata sa mga pwersa sa 62nd IB sa mga mangunguma sa Barangay Bucalan ug Barangay Budlasan, sakop sa Canlaon City sa miaging mga semana.

Dungan niini, hiniusang idemanda sa katawhan nga patubagon ang mga responsable sa maong krimen ilabi na ang utok niini nga sila si Duterte ug Marcos Jr. Palig-unon usab nato ang paghiliusa sa mga mag-uuma, mamumuo, kabatan-onan, kababayan-an, mga tawong simbahan, ug uban pang mga patriyotikong pwersa para sa pag-asdang sa komprehensibong kontra-pasista, kontra-pyudal, ug kontra-imperyalista nga pakigbisog.

Labaw sa tanan, giawhag usab nato ang halapad nga masa nga mosalmot sa armadong pakigbisog isip nangunang porma sa pakigbisog alang sa pagpaasdang sa nasudnong-demokratikong rebolusyon para maangkon ang tinuod nga hustisya kag kagawasan. #

Naga-anaw nga dugo sa isla sa pagkomemorar sang Adlaw sang Tawhanon nga Kinamatarung

***Ka Bayani Obrero, Tagpamaba sang NDF-Negros
Disyembre 10, 2024***

Sa sobra duha ka tuig nga pagdumalahan ni Marcos Jr, mas nagasingki ang iya kapintas batuk sa pumuluyo. Padayon nga nagadamo ang mga biktima kag kawad-on sang hustisya sa pagpanglapas sa tawhanon nga kinamatarung nga ginkomiter sang subong nga rehimen kasubong man sa ginbuslan sini nga rehimen ni anay presidente Duterte. Sa ika-76 nga pag-komemorar sang Internasyunal nga Adlaw sang Tawhanon nga Kinamatarung subong nga adlaw, nagalanog ang singgitan sang katawhan sa pagdemanda sang akawntabilidad sa nagapadayon nga kultura sang impyunidad sang reaksyonaryo nga gobyerno.

Bisan sa nagadalom kag nagalala nga banggianay sa pag-agaway sang gahum sang hubon sang mga Duterte kag Marcos, ginapadayon ni Marcos Jr ang mga kontra-pumuluyo nga mga polisiya kag programa nga ginsugdan ni Duterte lakip ang pagpalapnag sang pasismo kag terorismo batok sa pumuluyo ilabi na sa isla sang Negros.

Sa tabon sang pagpukan sang rebolusyonaryong kahublagan sa isla, ang masang ginapigos kag ginahimuslan ang gintarget sang reksyonaryong gobyerno gamit ang bayaran nga Armed Forces of the Philippines (AFP), Philippine National Police (PNP) lakip ang NTF-Elcac agud pungan ang ila paghimakas sa malala nga krisis pang-ekonomiya kag pahiposon sila sa ila lehitimo nga mga demanda sa ila kinamatarung sa kabuhi kag palangabuhian nga gindingot sa ila

kaangay sang matuod nga repormang agraryo kag pungsodnon nga industriyalisasyon.

Bangud sini, nakarekord ang National Democratic Front (NDF)-Negros sa sini nga tuig sang 241 ka insidente sang mga bayolasyon sang Comprehensive Agreement on Respect for Human Rights and International Humanitarian Law (CARHRIHL) nga nag-imbolbar sa masobra 19,500 ka biktima (3,666 sini ang mga bata) nga ginkomiter sang mga pasistang AFP, PNP kag mga paramilitar lakip ang NTF-Elcac. Kabahin ini sa 823 ka mga bayolasyon sa tawhanon nga kinamatarung sang mga reaksyonaryong pwersa sa sulod sang masobra duha ka tuig nga paghari ni Marcos Jr.

Sa 71 ka mga biktima sang ekstrahudisyal nga pagpamatay sa idalom sang rehimen US-Marcos II, 16 sini ang ginpatay sa subong nga tuig nga naglakip sa brutal nga pagpatay sang mag-asawa sa Himamaylan City kag pagpatay sa duha ka hors de combat sa Sipalay City; tanan sa Negros Occidental. Samtang, wala pa gihapon sang hustisya ang pagmasaker sa pamilya Fausto kag Jacolbe kag sa brutal nga pagpatay sang mga NDF consultant nga sanday Ericson Acosta kag Rogelio Posadas.

Samtang, wala pa gihapon makita ang mga ginpang-abdak sang mga pasistang tropa sang nagligad nga tuig nga sanday Lyn Grace Marturillas, Deah Lopez, Renel delos Santos kag Denald Mialen.

Dugang sini, ang pagdali-dali sa pagdeklarar sang status sang state of Stable Internal Peace and Security (SIPS) sa isla, peke nga pag-angkon kag patalang para taguon sang AFP ang ila kapaslawan sa pagwasak sang rebolusyonaryo nga kahublagan sa gintalana nga dedlayn sini subong nga tuig. Tuhtob subong, ginahimo sang mga pasistang tropa ang pagpangastigo, pagpamahug kag pagpangharas, pagpamomba, patarasak nga pagpaniro, pagpangransak kag iban pa batok sa pumuluyo sa ila wala untat kag malawigon nga

militarisasyon sa mga komunidad sang kaumhan ilabi na sa mga lugar nga may mga mapangwasak sa kapalibutan nga mga proyekto sang oil palm, eko-turismo, mina, quarry kag iban pa.

Sa kasyudaran, ginapasingki ang pagpang-redtag sang mga lideres sang mga organisasyon sang mga demokratikong sektor kag pagpasaka sang pato-pato nga kaso sa mga development workers kag mga tigpangapin sang tawhanon nga kinamatarung.

Sa pagsaulog sang Adlaw sang Tawhanon nga Kinamatarung, dapat nga mas pabaskugon sang mga organisasyon sang mga mangunguma, mamumugon, imol nga taga-syudad, pamatan-on, tawong-simbahan, propesyunal, kag iban pa upod sa malapad nga pumuluyo ang demanda sa pagpasabat kay Marcos Jr sa iya mga krimen batok sa katawhan. Dapat man nga pasabton si Duterte kag ang iya mga kakunsabo sa iya mga hinimoan nga tubtob subong, wala pa nahatagan sang hustisya ang mga biktima kaangay sang Oplan Sauron 1 kag 2, Sagay masaker kag iban pa.

Samtang nagapabilin ang inhustisya kag indi magabot ang ugat sang kaimolon, magapadayon ang paghimakas sang masang ginapigos kag ginahimuslan batok sa mga nagaharing sahi kag padayon nila nga suportahan ang inaway banwa agud maangkon ang matuod nga hustisya kag kahilwayan. #

Pangmalawigon nga solusyon ang nagakaigo nga sabat para sa mga apektado sa paglupok sang Bulkan Kanlaon

*Ka JB Regalado, Tagpamaba sang LPC-NPA
Disyembre 12, 2024*

Nabutang sa katalagman ang mga residente sang syudad sa Canlaon, Negros Oriental kag mga kaingod sini nga mga banwa kag syudad kaangay sang La Castellana kag La Carlota sang Negros Occidental nga lubos nga naapektuhan sang liwat nga paglupok sang bulkan Kanlaon sadtong Disyembre 9 pasado alas 3:00 sang hapon. Naglab-ot na sa 14,000 ka residente ang nagbakwit kag nagapinunsok sang mga limitado nga mga evacuation centers nga ara sa Bacolod City, Bago City kag sa iban pa nga mga lugar. Dugang dire, ginakabalak-an man sang mga pumuluyo ang halit nga tuga sang abo kag sulfur sa ila mga pananom kag kasapatan nga nagserbe nga ila pangabuhian.

Nagakinahanglan ang mga apektado sang hinanali nga mga ayuda kadungan sa paghatag sa ila sang pangmalawigon nga solusyon. Apang naghambal ang head sang Department of Health sang Negros Island Region (DOH-NIR) nga si Adrian Ramos nga madelatar anay ang mga bulig bangud sako pa sa pagroseso sang transisyon sa NIR ang lokal nga gobyerno. Kulang sa staff kag warehouse nga butangan sang mga bulig-materyal ang iya gintumod nga mga partikular nga problema nga ila ginaatubang. Sa simple nga paghambal, kinahanglan anay antuson kag hulaton sang pumuluyo ang ila daw bao ka hinay nga tikang sa paghatag bulig sa sini nga hinanali nga emerhensya.

Pero sa matuod, maathag nga ini isa lang sa ila mga diskarte agud

hatagan rason ang pagpakabulag kag bungol sa sitwasyon sang pumuluyo. Mas gin-una pa sang mga politiko ang pagpatuman sang mga proyekto nga magadala sang daku nga ganansya sa ila. Makita man nga halin pa sang mga nagliligad nga mga kalamidad, indi na bag-o sa pumuluyo ang wala paghatag sang igtalupangod sang reaksyonaryong gobyerno sang mga ginapas-an nga problema sang mga Negrosanon ilabi na sa sektor sang mga mangunguma.

Magluwas sini, imbes hatagan sang nagakaigo nga ayuda ang mga mangunguma kag magpatuman ang bat-ulan nga reaksyonaryong gobyerno sang pangmalawigon nga mga programa para sa mga mangunguma agud mapauswag ang agrikultura, militarisasyon ang nangin sabat sini sang demanda sang mga pumuluyo sa kabukiran.

Pila ka adlaw antes pa ang paglupok sang Bulkan Kanlaon, nabatyagan sang mga pumuluyo sa Canlaon City, partikular sa Brgy. Bukalan kag Brgy. Budlasan ang madamo nga presensya sang militar. Ginpangransak sang tropa militar ang mga kabalayan sang masa nga ila ginpasibangdan nga tagasuporta sang New People's Army (NPA).

Subongman, malahalon para sa mga Negrosanon nga sa paglupok liwat sang bulkan nga mag-isa kag maglunsar sang kolektibong aksyon agud magdemanda sang kompensasyon sa ila ginaatubang subong nga kalamidad. Dapat man nga idemanda sang pumuluyo ang pagsabat sang rehimen US-Marcos Jr kag mga ido-ido sini sang ila pagpabaya sa mga pumuluyo, nga dapat nila nga alagaran ilabi na sa tion sang mga kalamidad.

Kadungan sini, ginamandoan sang Leonardo Panaligan Command - NPA ang tanan nga yunit sa idalom sini nga ara sa nagkalain-lain nga erya sang Central Negros nga maghulag kag maghimo sang hinanali nga aksyon para sa pagbulig sa mga apektado sang amo nga kalamidad.

Dapat man nga padayon nga pataason ang politikanhon nga kamuklatan sang mga pumuluyo paagi sa pagpukaw, pag-organisa, kag pagmobilisa agud tukuron ang ila organo sang gahum pampulitika kag mapabaskog ang armadong paghimakas agud mapukan ang pasista, inutil kag pabaya nga rehimen ni Marcos Jr. Paagi lamang sini malab-ot sang pumuluyo ang matuod nga pagbag-o nga dala sang pagpatuman sang matuod nga reporma sa duta kag pungsodnon nga industriyalisasyon. #

Drama sa Toboso: Pekeng engkwentro ug pagdakop sa sibilyan, gikondenar

Gikondenar sa New People's Army (NPA) sa Northern Negros ang pinakaulahing drama nga gihimo sa 79th IB sa Toboso arlon ipagawas sa publiko nga nagmadaugon ang ilang pakyas nga kontra-insuhensyang kampanya.

Matud pa ni Ka Cecil Estrella, tigpamaba sa Roselyn Jean Pelle Command (RJPC-NPA), nga walay nahitabong engkwentro sa Sityo Tauma, Barangay Bandila, Toboso, Negros Occidental niadtong Disyembre 13 sa hapon. Walay yunit o tropa sa RJPC-NPA nga naglihok sa maong lugar.

Dugang ni Ka Cecil, ang Sityo Tauma duol lang (dili makaabot sa usa ka kilometro) sa CAA detachment sa Sitio Bisinsina. "Dakong katawanan ang napiling lugar sa 79th IB nga lunsaran sa ilang pekeng engkwentro. Dili katuohan sa publiko nga magbase ang NPA sulod sa perimetro sa detatsment sa ilang paramilitar nga yunit," pagpatin-aw ni Ka Cecil.

Nagpakita kini sa desperasyon sa 79th IB taliwala sa kapakyas sa iyang hugaw nga kontra-rebolusyonaryong gyera nga dugmokon ang rebolusyonaryong kalihukan sa Nothern Negros, matud pa ni Ka Cecil.

Sukad sa bulan sa Septembre walay hunong ang mga dinagko ug sostenido nga atake sa 79th IB. Giatubang kini sa RJPC-NPA sa gerilyang kontra-kampanya diin malampuson nga giharas niini ang

18-ka-tawo nga yunit sa 79th IB sa Styong Agtatajor 1, Barangay Macasilao, Calatrava, Negros Occidental niadtong Oktubre 6 nga gisundan sa pagsilot sa ilang supog nga intel aset sa Sitio Hoybesan, sa maong barangay niadtong Oktubre 16, ug aktibong nakadepensa sa usa ka engkwentro sa Sityo Agtutugas, Barangay Cambayubo, Calatrava niadtong October 22. Kini nga mga panagsangka nahitabo sa maong lungsod nga maoy gikonsentrahan sa dinagkong operasyon sa 79th IB.

"Aron tabunan ang ilang kapakyasan ug dugang makakorap sa pundo sa operasyon sa AFP, naghimo ang 79th IB og pekeng engkwentro ug ubang pang drama nga pugos nga gipatuo sa publiko," panapos ni Ka Cecil.

Sa pikas bahin, hugot nga gipanghimaraut sa Pambansang Katipunan ng mga Magbubukid (PKM)-Northern Negros ang gihimong pagdakup sa usa ka sibilyan sa Sityo Malig-on, Barangay Bandila, Toboso kagahapong adlaw, Disyembre 14. Gidakop sa hiniusang pwersa sa 79th IB ug kapulisan si Melba Gabriel ug gipagawas nga usa ka "key leader" sa rebolusyonaryong kalihukan.

"Naandan na nga binuhatan sa pasistang militar sa pagsangil sa mga sibilyan ug pagpahamtang sa ginama-gamang kaso. Nagpakita kini sa ilang tinuod nga kinaiya isip kontra-katawhan ug reaksiyunaryong armadong pwersa sa nagharing hut-ong. Ang nahitabo ni Gabriel pagpamatuod nga walay masandigan ang katawhang kabus sa kabukiran kundili ang NPA ang mao ang tinuod nga sundalo sa katawhan," matud pa ni Ka Guillermo Mahilum, tigpamaba sa PKM-Northern Negros.

Nanawagan si Ka Guillermo sa katawhan nga nag-atubang karon nagkagrabeng militarisasyon ug terorismo sa estado nga dili mahadlok, maghiusa ug makigbisog aron panalipdan ang ilang mga demokratiko ug tawhanong katungod. #

Sabat sang LPC-NPA angot sa pagpamahug kag pagpangilkil sang AFP sa mga katapo sang media kag barangay officials sa Bacolod City

*Ka JB Regalado, Tagpamaba sang LPC-NPA
Disyembre 17, 2024*

Mabaskog nga ginakondenar sang Leonardo Panaligan Command-New People's Army (LPC-NPA) ang wala huya kag wala sang kabulugan nga pagpangilkil kag pagpamahug sang mga sindikato kag kriminal nga grupo sa mga katapo sang media kag barangay officials sa syudad sang Bacolod kag sa bug-os nga isla.

Madumduman sang nagligad nga adlaw, gintawgan sang nagpakilala “Ka JV Regalado-CPP/NPA spokesperson” si Radyoman Donard Alimpolo, isa ka anchorman sang Patrol 747 daily radio program sang DYHB-Bacolod, subongman barangay kagawad sang Barangay Alangilan, Bacolod City agud magpangayo sang bulig. Sang ginakomodar sang biktima paagi sa phone conversation, nagpasalig pa ini nga himuon nga barangay kapitan ang biktima sang Brgy Alangilan. Bangud iya gina-usisa sang biktima ang lokasyon sa nagpakilala nga “Ka JV”, ginhabuyan na ini sang indi maayo nga istorya kaangay sang “damo pa ka sat-sat” kag “mangayo ka man gihapon bulig sa amon sa ulihi.”

Ang ini nga kinaiya kag gawi, ang desperado kag wala man kinalis sa mga mersenaryo, korap kag pasistang Armed Forces of the Philippines (AFP) kag Philippine National Police (PNP) kag mga galamay sini nga mga grupong sindikato-kriminal. Indi na bag-o kundi daan na nga modus-operandi nga ginagamit sang pasistang makinaryas sang

mapintas nga estado sang rehimeng US-Marcos Jr nga AFP-PNP kag paramilitar ang ngalan sang NPA sa ila mga kalakasan kaangay sang pagpangilkil kag iban pa nga kriminalidad para musingan ang Communist Party of the Philippines (CPP)-NPA kag bug-os nga rebolusyonaryong kahublagan.

Hugot kag lig-on nga gina-uyatan sang NPA ang mga sandigan nga prinsipyo, disiplina kag mga punto sa tagsa ka paghulag sa absoluto nga giya sang Marxismo-Leninismo-Maoismo sa CPP. Ang NPA, ang lubos gid naga-alagad sa masa ilabe na sa sahing ginahimuslan kag ginapigos. Wala nagapangtuy-tuya kag labaw sa tanan wala man sa bokabularyo sang NPA ang pagpangilkil kag pagpamahug. Respetado, organizado kag mahinalungon sa paghambal” ang tatak kag pagkilala sang masa sa ila nga Bag-ong Hukbo sang Banwa. Ginapahamtang sa kolektibo nga balayon kag rebolusyonaryong proseso ang tanan desisyon sa pagpatuman.

Hublasan ang sistematiko nga pagpatalang kag kabutigan sang AFP, PNP kag NTF-Elcac upod sa inutil, tuta kag korap nga rehimeng US-Marcos II! #

The truth behind "Ka Pinky"

***Ka Cecil Estrella, RMPC-NPA Spokesperson
December 17, 2024***

Recently, #DiMasaligan79IB's fake news mill fabricated a story about an imaginary ranking cadre of Roselyn Jean Pelle Command-New People's Army (RJPC-NPA), identified as "Ka Pinky", apprehended shortly after their simulated raid of non-existing NPA camp in Barangay Bandila, Toboso, Negros Occidental last Friday (December 13).

A 58 year-old self-employed mother was arrested in her residence in Sitio Malig-on on the said barangay is not near the "encounter" site as alleged by #DiMasaligan79IB PR jacklegs and quoted by the news media earlier.

RJPC-NPA investigation identified the arrestee as Melba Gabriel. She was a former member of the NPA, and has long left the revolutionary movement and focused on her family.

Hoodwinked to believe that in doing so, the military would leave her alone, she went to the Toboso police station along with her family and some barangay officials to "clear" her name.

It's shameless and despicable for #DiMasaligan79IB to parade her as "key leader" of Northern Negros Front when in fact she is no longer connected to the revolutionary movement and has been living as a plain civilian for years and struggling to survive by way of small vending enterprise. It only showed the high degree of desperation of #DiMasaligan to project an image of victory amid the crashing failure of its campaign to decisively defeat the revolutionary movement and

to show off accomplishment albeit sham to their fascist chieftain Marcos Jr.

Gabriel got the ire of #DiMasaligan79IB for her flat refusal to become a military intel asset. For this, she paid the price of being the pawn of #DiMasaligan79IB in their grand propaganda show and theatrics.

This incident taught us a very valuable lesson. Under the present social order, you cannot live a normal life. It's either you persist on fighting for the people or cooperate with the oppressors. There is no in-between. Gabriel's illusion of living a normal life without cooperating with the fascists was shattered to pieces and laid bare the essence of class oppression. #

Lubos nga pagtugyan sang pungsodnon nga patrimonya sa mga dumuluong

*Ka Bayani Obrero, Tagpamaba sang NDF-Negros
Disyembre 28, 2024*

Patraidor nga ginratsada sang nagligad nga senimana ang pagpasar sang lain-lain nga hagna sang Senado kag Kongreso agud palawigon ang arkila sang kadutaan sang Pilipinas sa mga dumuluong nga imbestor sa 99 ka tuig halin sa 75 ka tuig. Nagahulat na lang ini sang pirma sang presidente para mangin layi. Gingamit ini nga iskema sang rehimen Marcos Jr sa mando sang iya imperyalistang amo nga US agud tiyugan ang lapnagon nga pagpamatuk sang pumuluyo sa pagbag-o sang konstitusyon.

Paagi sini nga hagna, ginapahanugutan ang hilway nga paggamit sang kadutaan sang pungsod sang mga dumuluong monopolyong korporasyon sa sulod sang 99 ka tuig ukon malapit sa isa ka siglo nga magpatigayon sang mga joint venture agreement (JVA) para sa mga negosyo nga industrial estate, paktorya, assembly ukon processing plants, agro-industriyal nga negosyo, land development para sa industriyal ukon komersyal nga gamit, turismo, agrikultura, agroforestry, ecological conservation, kag iban pa sa Pilipinas.

Sa pagkamatuod, katumbas na ini sa pagpanag-iya sang mga imperyalista nga mga pungsod nga ginatiglawasan sang ila multinasyunal kag transnasyunal nga mga korporasyon sang kadutaan sang pungsod nga ginadumilian sa subong nga konstitusyon. Naghimbon ang mga nagahari nga sahi nga nagapungko sa duha ka kapulungan sa pagtraidor sa pumuluyo. Solo ang tatlo ka tiglawas

sang matuod-tuod nga oposisyon nga Makabayan amo ang nagpamatuk.

Kon madayon nga mapasar ini bilang layi magatuga ini sang grabe nga halit sa pumuluyo kasubong sang:

(1) Ligal nga lapnagon nga pagpang-agaw sang kadutaan sang mga mangunguma kag mga agrarian reform beneficiaries (ARB) sang ila kadutaan nga bag-o lang ginpanghatagan sang mga indibidwal nga titulo paagi sa programang Support to Parcelization of Land for Individual Titling (SPLIT). Magadagsa ang mga nanarisari nga mga agro-industriyal nga mga plantasyon sa Pilipinas. Indi man luwas ang industriya sang kalamay sa Negros tungod sa todo larga nga importasyon sang kalamay kag artipisyal nga pangpatam-is nagahana na ini nga mawasak. Magatuga ini sang pagpamierde sang mga plantador sang tubo ilabi na ang 80% nga magagmay nga plantador nga mga ARBs. May katalagman nga ila na lubos nga mabuhian ang ila ginhimakasan nga kadutaan kag magbalik sa lubos nga mamumugon sa mga dumuluong nga mga plantasyon kag industriya.

(2) Todo-larga na ang pagkambyo ukon reklasipikasyon sang kadutaan halin sa agrikultural padulong sa agro-industriyal nga gamit, pagmina, solar farms, kag iban pa. Magatuga ini sang paglala sang kawad-on sa seguridad sa pagkaon ukon kagutom sa pungsod. Sa report sang isa ka pamantalaan, sa Western Visayas sa ikatatlo nga kwarto sining tuig, 47,335 ka ektarya ang gin-nubo sa ginatamnan sang humay kag may 384,798 metriko tonelada ang gin-nubo sang produksyon sang humay. Lubos na nga magsalig sa import ang kinahanglanon nga pagkaon sang pumuluyo sa pungsod. Sa subong nagamanipestar na ini sa pagkanumero uno nga importer sang Pilipinas sa bugas sa bug-os nga kalibutan.

(3) Mas maglala ang pagkawasak kag kahalitan sa kapalibutan sa pagsulod sang mga plantasyon, mina kag iban pa nga mga industriyal

nga negosyo nga magahilo sa mga kadutaan kag mga kasubaan kag magapangkalbo sa nabilin nga mga lasang sa kabukiran. Mas magalala ang maga-igo nga kalamidad sa pungsod sobra pa sa gin-antus nga El Nino, La Nina, mga pagbaha kag landslide sini nga tuig nga naghalit sa palangabuhian sang pumuluyo.

(4) Mangin ulipon na sang dumuluong kag lokal nga nagahari nga sahi ang pumuluyong Pilipino. Tungod wala na sang kaugalingon nga duta nga talaumahon kag wala na sang palangabuhian, mapilitan nga mangin obreros sang plantasyon kag mga industriya ang pumuluyo. Magabaton sila sang tuman ka nubo nga sweldo, wala ukon kulang sang benepisyo kag indi makatawo nga kundisyon sa trabahuan. Pareho ukon sobra pa sa ginaantus subong nga maka-ulipon ukon indi makatawo nga kahimtangan sang mga mamumugon sa kampo sa isla sang Negros.

Wala sang pag-ulikid ukon pagkabalaka ang rehimen Marcos Jr kag iya kahimbon nga mga nagahari nga sahi sa kaayuhan kag maayo nga buasdamlag sang pumuluyo. Sa ila pagpasar sini nga hagna, mangin lubos na nga eskwater sa kaugalingon nga pungsod ang mga Pilipino. Ginpakita lang nila ang ila lubos nga pagkatuta sa imperyalismong US. Paglapak sa pungsodnon nga patrimonya ang lubos nga pagtugyan sa dumuluong sang kadutaan kag manggad sang pungsod.

Ang NDF-Negros nagapawagan sa tanan nga mga mamumugon, mangunguma kag mga progresibong sektor nga kolektibo nga batikuson kag pamatukan ang pagpasar sining hagna nga mangin layi. Batikuson kag dal-on ini nga adyenda sa magaabot nga eleksyon 2025.

Lapnagon nga edukaron, organisahon kag pahulagon ang pumuluyo para sa mabaskog nga paglunsar sang kahublagan masa agud mapunggan ining patraidor nga padihot sang nagahari nga sahi. #

Manipulasyon sa presyo sang kalamay, padihot sang mga traders

*Ka Bayani Obrero, Tagpamaba sang NDF-Negros
Disyembre 29, 2024*

Sang sini lang, nagbaskog ang panawagan kag reklamo sang mga plantadores sa Negros sa Sugar Regulatory Administration (SRA) nga imbestigahan ang madasig nga pagsarurot sang presyo sang kalamay halin sa ₱2,980.88 kada sako sa pag-abre sang galing sang Septyembre pakadto sa ₱2,450 sa sini nga Disyembre. Ang ini nga problema sa pagbagsak sang presyo pabalik-balik nga problema kada tuig sang tiggaling. Tungod sa grabe nga implasyon, ang gasto sa pagprodyuser sang kalamay kada sako naglab-ot na sa ₱2,400.

Palamangkutanon sang mga plantadores ngaa padayon ang pagnubo sang millgate price sa kalamay samtang ang domestic price sa merkado nagapabilin nga estable kag mataas. Suno sa SRA wala man sang pagdagsa sang suplay sa merkado kag ginpauntat naman sini ang pag-import sang kalamay tubtob sa sunod nga tuig.

Magluwas sa pagnubo sa presyo sang kalamay, gin-igo pa gid ang mga plantador sang manubo nga purisa humalin pa sa bulan sang Oktobre. Halos nagapamordoy kag indi na sila makabawi. Ang Department of Agriculture (DA) kag SRA napaslawan sa pagpaathag kon ano ang rason sang pagnubo sang presyo sang kalamay. Mismo ang SRA naghambal nga wala sila sang kontrol sa presyo kay ang merkado pribado ukon ginakontrolar sang mga dalagko nga kumprador burgesya (DKB) nga mga traders.

Ang papel sang SRA amo ang tawo-tawo na lang kag wala sang pulos kundi ang pagtabon kag pagsunod sa mando sang dalagku kumprador burgesya (DKB) kag mga dalagku nga mga international kag local

sugar traders. Bisan pa nga ang mandato sini amo ang magdumala kag dampigan ang interes sang pumuluyo nga nagasandig industriya sang kalamay, sa isa ka neoliberal nga ekonomiya wala na ini sang papel kundi bilang istampa sang mga nagahari nga sahi.

Tungod sa pagpatuman sang neoliberal nga patakaran sang imperyalismo sa pungsod, ginkakas na ang kontrol sang estado sa pagtalana sang presyo sang mga produkto sa merkado, taripa lakip na diri ang presyo sang kalamay. Yara na sa kamot sang mga traders nga mga DKB ang pagtalana sang presyo santo sa ila gusto paagi sa manipulasyon agud makahugakom sang higante nga ganansya.

Sa sini nga kahimtangan, makaluluoy ang mga nagatanum sang tubo tungod sila ang nagpangabudlay, naggasto halin sa pagtanum, pagpatubo, pagtapas tubtob sa pagpasulod sa sentral. Apang kon mapasulod na sa sentral ang tubo yara na sa mga sentral ang kontrol pati na ang pagbaligya sa mga traders. Sa sini nga pamaagi bulnerable sa manipulasyon sa mga plantador tungod ang sentral kag mga traders na ang nagadikta sa presyo.

Sa subong, ang rehimen US Marcos II nga ido-ido sang imperyalismo amo ang responsable kag nagatamasa sa manipulasyon sa presyo sang kalamay. Gingamit sini ang poder sa gobyerno agud pamanggaron ang pamilya Marcos nga isa sa pinakadako nga traders sang kalamay, bugas kag iban pa nga produkto. Sila kag iya mga kahimbon nga mga DKB amo karon ang nagakontrol sa importasyon sang tanan nga mga agrikultural nga produkto.

Ang sistema sa monopolyo sa pagbaligya sang kalamay amat-amat nga ginadesenyo ni Marcos Jr pareho sadto sa panahon sang iya anay amay nga diktador nga si Marcos Sr. Paagi sa pagtukod ni Marcos Sr sang PHILSUCOM (Philippine Sugar Commission) kag NASUTRA (National Sugar Trading Administration) upod sa iya dummy nga si Roberto S. Benedicto ila ginmonopolyo ang kontrol sa baligyaanay

sang kalamay. Nagtuga ini sang grabe nga krisis sa industriya sang kalamay ilabi na gid sadtong 1980 nga nahitabo ang grabe kagutoman sang minilyon nga Negrosanon tungod sa pagbagsak sang industriya sang kalamay.

Sa subong, nabutang sa katalagman ang kabuhi kag palangabuhi-an sang mga pumuluyong Negrosanon ilabi na ang direkta nga nagapangabuhi sa sining industriya nga 380,000 ka mga mamumugon sa kampo, 18,000 ka mga mamumugon sa sentral kag 80% nga magagmay nga plantador nga mga ARB. Kon indi makabawi ang presyo mabuhian sang mga ARB ang ila ginhimakasan nga kadutaan kag mabalik ini liwat sa kamot sang mga DKB-AMD, pati na sa mga dumuluong.

Bangud sini, ginahangkat sang National Democratic Front (NDF)-Negros ang tanan nga mga agrarian reform beneficiaries (ARB's), mamumugon kag mangunguma upod sa iban nga mga demokratikong sektor nga indi na magpangduha-duha nga hugpungon ang ila bilog nga hanay nga maglunsar sang lain-lain nga porma sang paghimakas agud depensahan ang ila kabuhi kag palangabuhian batok sa tiraniko, tuta kag paantus nga rehimen. Ang miserable nga kahimtangan subong amo ang magpanday sa mga pigos kag ginahimuslan nga atubangon ang kabudlayan kag sakripisyo agud maangkon ang matuod nga reporma sa duta kag pungsodnon nga industriyalisasyon.

Dugang nga ginapanawagan ang mga asyendero, dalagku nga planters kag mga pederasyon nga maghatag sang makatarunganon nga sweldo kag benipisyo sa ila mga mamumugon para makahatag alibyo sa ila kahimtangan sa pangabuhi ilabe na sa nagalala nga krisis sa ekonomiya.

Subongman, ang pagpakigbahin kag pagsuporta sa armadong paghimakas amo lamang ang lubos nga makahilway sa ila sa sining mapiguson kag mahimuslanon nga kahimtangan kag magahatag sa

ila sang kinamatarung nga magdesisyon sang ila kabuhi kag
buasdamlag. #